

OPĆINSKI ŠTAB CIVILNE ZAŠTITE

U obavljanju funkcije u zaštiti i spašavanju Općinski štab CZ vrši sljedeće poslove:

1. odlučuje o upotrebi snaga i sredstava civilne zaštite na zaštiti i spašavanju ugroženih i nastradalih ljudi i materijalnih dobara i te snage raspoređuje na ona područja koja su ugrožena;
2. naređuje provođenje odgovarajućih mjera zaštite i spašavanja i određuje snage i sredstva koje će provoditi te mjere;
3. usmjerava, koordinira i rukovodi akcijama zaštite i spašavanja svih učesnika angažiranih na zaštiti i spašavanju na svom području;
4. naređuje štabovima mjesnog područja, štabovima pravnih lica u kojima su ti štabovi osnovani i službama zaštite i spašavanja koje formira Općina da učestvuju u poduzimanju mjera i aktivnosti na zaštiti i spašavanju na određenom području;
5. naređuje angažiranje snaga i sredstava civilne zaštite na pružanju pomoći drugim općinama;
6. izvršava naredbe upućene od Kantonalnog štaba civilne zaštite, na preduzimanju mjera i aktivnosti na zaštiti i spašavanju;
7. rješava sva pitanja koja se u toku provođenja aktivnosti na zaštiti i spašavanju pojave u vezi sa angažiranjem snaga i sredstava civilne zaštite i provođenja mjera zaštite i spašavanja i samozaštite građana.

Pored navedenog obavlja i sljedeće poslove:

1. predlaže proglašenje stanja prirodne i druge nesreće Općinskom načelniku,
2. predlaže Općinskom načelniku mjere za prevazilaženje stanja nastalih usljed prirodnih ili druge nesreće,
3. razmatra materijale i informacije iz oblasti zaštite i spašavanja koje priprema Služba civilne zaštite, nadležne općinske službe drugi općinski organi uprave, u oblasti zaštite i spašavanja,
4. podnosi godišnji izvještaj o radu Općinskom načelniku,
5. donosi godišnji program aktivnosti na provođenju vlastitih priprema za uspješno vršenje operativne funkcije iz svoje nadležnosti (pripreme, obuka i osposobljavanje),
6. donosi odluku o visini i uslovima za naknadu članovima štaba za rad u štabu iz sredstava koja su osigurana za rad štaba CZ,
7. daje mišljenje na prijedlog godišnjeg Plana korištenja sredstava posebne naknade za zaštitu i spašavanje,
8. daje mišljenje na prijedlog Procjene ugroženosti od prirodnih i drugih nesreća Općine i
9. obavlja i druge poslove iz svoje nadležnosti.



KO SMO I ŠTA RADIMO?

Služba civilne zaštite: 032/650-157
032/650-108

Operativni centar civilne zaštite: 121
032/650-720

Profesionalna vatrogasna jedinica: 123
032/650-720

Adresa:
OPĆINA TEŠANJ
SLUŽBA CIVILNE ZAŠTITE
Bukva br. 6, 74260 TEŠANJ
tel/fax: 032/650-157
www.opcina-tesanj.ba

SLUŽBA CIVILNE ZAŠTITE

SLUŽBA CIVILNE ZAŠTITE općine, u oblasti zaštite i spašavanja, obavlja slijedeće poslove:

1. organizira, priprema i provodi zaštitu i spašavanje na području općine;
2. preduzima odgovarajuće mjere i aktivnosti na organizaciji i provođenju zaštite od požara i vatrogastva na području općine;
3. obavlja stručne i druge poslove koji se odnose na organiziranje profesionalne vatrogasne jedinice općine i grada i predlaže i poduzima mjere na osiguranju kadrovskih, materijalnih, tehničkih i drugih uslova potrebnih za efikasan rad i funkcioniranje te jedinice i u tim pitanjima ostvaruje saradnju sa kantonalnom upravom civilne zaštite; definira i predlaže pitanja koja se odnose na razvoj zaštite od požara i vatrogastva u okviru programa razvoja zaštite i spašavanja od prirodnih i drugih nesreća općine;
4. izrađuje procjenu ugroženosti na području općine, plan zaštite i spašavanja i plan zaštite od požara;
4. priprema program razvoja zaštite i spašavanja od prirodnih i drugih nesreća općine;
5. planira i osigurava provođenje obuke i stručno osposobljavanje i usavršavanje pripadnika vatrogasne jedinice;
6. prati stanje priprema za zaštitu i spašavanje i predlaže mjere za unapređenje organiziranja i osposobljavanja civilne zaštite;
7. organizira, izvodi i prati realizaciju obuke građana na provođenju lične i uzajamne zaštite;
8. organizira i koordinira provođenje mjera zaštite i spašavanja, te organizira i provodi poslove zaštite od požara i vatrogastvo, predlaže program samostalnih vježbi i izrađuje elaborat za izvođenje vježbi civilne zaštite u općini;
9. pruža stručnu i drugu pomoć dobrovoljnim vatrogasnim društvima radi uspješnog obavljanja poslova zaštite od požara i vatrogastva iz njihove nadležnosti od značaja za vatrogastvo, a posebne aktivnosti provodi kod onih vatrogasnih društava u kojima je osnovana dobrovoljna vatrogasna jedinica radi osposobljavanja te jedinice za efikasno učešće u gašenju požara;
10. ostvaruje saradnju sa pravnim licima u kojima su osnovane vatrogasne jedinice radi osposobljavanja tih jedinica za efikasno gašenje požara i mogućeg učešća tih jedinica na gašenju požara van objekata i prostora pravnog lica na području općine
11. organizira općinski operativni centar civilne zaštite i obezbjeđuje njegov rad;
12. vrši popunu ljudstvom štabova civilne zaštite, službi zaštite i spašavanja i jedinica civilne zaštite i određuje povjerenike civilne zaštite,
13. osigurava njihovo opremanje materijalno-tehničkim sredstvima, te organizira, izvodi i prati realizaciju njihove obuke;
14. priprema propise iz područja zaštite i spašavanja iz nadležnosti općine;
15. ostvaruje saradnju sa službama civilne zaštite susjednih općina u pitanjima od zajedničkog interesa za zaštitu od požara i vatrogastvo
16. vodi propisane evidencije i obavlja druge poslove zaštite i spašavanja, u skladu sa zakonom i drugim propisima i općim aktima.

PROFESIONALNA VATROGASNA JEDINICA

PROFESIONALNA VATROGASNA JEDINICA u oblasti zaštite i spašavanja, obavlja slijedeće poslove:

1. gase požar i spašavaju ljude i materijalna dobra ugrožena požarom i eksplozijom na otvorenom prostoru, šumske poare, poare na građevinama i materijalnim dobrima svih vlasnika i korisnika gdje se god požar pojavi;
2. pružaju tehničku pomoć u spašavanju ljudi u nezgodama izazvanim u saobraćaju (cestovni, željeznički, zračni, pomorski, jezerski i riječni), poplavama, spašavanju za visina i drugim akcidentnim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara;
3. učestvuju u provođenju određenih preventivnih mjera zaštite od požara i eksplozija koje se odrede u planu zaštite od požara općine, grada i kantona, a koje mogu provoditi profesionalne vatrogasne jedinice;
4. pružaju odgovarajuću pomoć u spašavanju ljudi i materijalnih dobara kod postojanja stanja prirodne i druge nesreće,
5. provode preventivne, edukativne i promotivne aktivnosti u oblasti zaštite od požara.

